

Köttōpar ko an katak in:

- Kwaļok bwe eļap an Anij yokwe armej im oņake aolep aikuj ko aer.
- Kwaļok bwe Anij ej kaṃōjļok jermal ko An im re weppān.
- Kwaļok bwe Anij wōt e jeļā ta eo eṃṃan im ta eo e nana.

Meļeļe ko reļap ilo katak in:

- Jen kile bwe je jab maroņ in bōbrae Anij jān An kōṃṃani jermal ko an.
- Armej ren reiļok ñan Anij bwe En oņake aolep aikuj ko aer.
- Jen kile bwe ewor an Anij maroņ ñan pepeik kōj kōn aolep men kōnke E eo ear kōṃanṃan kōj.
- Wāween an Anij kōṃanṃan laļ in ej kwaļok wāween An loṃoṃoren armej jān jerōwiwi.

1. Anij ear kaṃōjļok An jermal

Ilo ad katak kōn wāween an Anij kōṃanṃan laļ in, jaar lo bwe Ear kakkije ke eṃōj An kōṃanṃan aolep men. Etke ear kakkije? Ta ear ṃōk ke? E jab. Unin An kakkije ej kōnke ear dedeļok im weppān an jermal.

Jet iien armej rej jab kaṃōjļok aer jermal. Etke re jab kaṃōjļok aer jermal jet iien?

- re ṃōk
- e maat aer jāān
- e oktak aer loṃṃak kōn men eo re kōṃaan kōṃṃane
- e jako aer limo kake
- juon bar jermal ak armej ear kabōjrak er



Anij e jab āinwōt armej. Ej kaṃōjļoki aolep jermal ko Ej kōṃṃani. Eļāñne Anij ej kallimur bwe Enaaj kōṃṃane juon men, innām Enaaj kōṃṃane.



Jenesis 2:1 Āindein eṃōj kaṃōjļok lañ ko im laļ, im aolepeir otemjej.

- Ejjeļok armej e maroņ bōbrae Anij jān An kōṃṃani jermal ko An.
- Jetan im timoņ ro re ban bōbrae E.
- Anij e kajoor jān men otemjej.

Ñe Ej kōṃṃane juon jermal, E jab aikuje jipañ. Ñe Anij ej jermal, innām men eo Ej kōṃṃane enaaj tōprak im weppān.



Sam 33:11 Pepe An Jeova re pen ñan indeeo; loṃṃak ko an būruōn ñan ebeben otemjej.

Anij ear kōṃanṃan laļ in im aolep men ko ilowaan iuṃwin jiljino raan. Ñe Anij ej ba bwe Enaaj

kōmman juon men, je maroñ jeļā bwe Enaaj kōmmane.

* **Anij e tiljek, im E jab oktak.**



2. Anij ear kakkije ālikin An kōmmanman men otemjej



Jenesis 2:2 Im ilo raan eo kein kajiljilimjuon Anij ear kaṃōjļok An jermal eo Ear kōmmane, im Ear kakkije ilo raan eo kein kajiljilimjuon, jān jermal ko an otemjej Ear kōmmani.

Juon armej e maroñ ke kalek juon eṃ ilo juon raan? Armej e maroñ ke jekjek juon kōrkōr ilo juon raan? E ban.

Anij ear kōmmanman elōñ million kain men ko im rej tōbalbal, million kain mennin eddek ko, million iju ko, million kain ek, tōujin kain bao, tōujin kain kidu, im armej iuṃwin jiljino wōt raan. Anij e kajoor bōtata. Im ke Ear kōmmane men kein, e kar ejjeļok bōd ak ir ļok ippān jabdewōt iaer. Aolep im weppān. Ñe Anij ej kōmmane juon jermal, e weppān im e dedeļok. Eṃōj! Ejjeļok bar juon en kobbaik jabdewōt men ñan jermal an Anij.



Ñe eṃōj ad kōmman juon jermal eļap im e pen, je kōṇaan kōmman ta? Kakkije, bwe je ṃok.

Etke Anij ear kakkije? Eṃōj An kar kōmmani elōñ million iju im elōñ million kain menninmour. Bōlen ear ṃok. Ñe eṃōj ad jermal iuṃwin juon raan jej ṃok. Bōtab Anij e jab āinwōt armej. E Jetōb. E jaje ṃok. Unin An kakkije ej kōnke ededeļok an jermal. Ear karōk in kōmmanman men otemjej ilo jiljino raan, im ear tōprak ekkar ñan wāween An kar karōke.

Āindein Anij kiiō. E jaje ṃok. Kiiō Ej joñan wōt ke Ear kōmmanman lañ im laļ. Anij e ban oktak.



Aiseia 40:28 Kwaar jab jeļā ke? Kwaar jab roñ ke? Anij eo ej ñan indeeo, Jeova, ri kōmmanman jabōn ko jabōn laļ, E jab kijelok, im E jab ṃok; ejjeļok e maroñ kappukot jeļāļokjeṃ eo An.

Anij ear kaṃōjļok aolep jermal ko An, im ear ṃōṇōṇō kake.

3. Anij ear likūt Adam ilo jikin kallib eo

Kōn an Anij yokwe Adam, Ear kōmman ñan e juon jikin kallib e aiboojoj im po lōmen. Aolep kain keinikkan im leen wōjke raar eddek ilo jikin kallib in.

* **Anij e jouj im eṃman.**

Ñe eļap ad yokwe juon armej enaaj ļap ad joļok iien ippān. Enaaj ļap ad joļok iien ilo ad kōmman men ko reṃman ñan e im lilok elōñ gift ñan e. Enaaj ļap ad jouj ñan e. Anij ear kwaļok An yokwe Adam kōn An likūt e ilo jikin kallib in Eden.



Jenesis 2:8 Im Jeova Anij ear kalbwin juon jikin kallib i reaar, i Iden; im ijo Ear likūt armej eo Ear kōmmane.

Elõn ke an Adam pepe kõn an pād ilo jikin kallib eo? Anij ear kajjitõk ke ippān Adam eļañņe e kõņaan jokwe ilo jikin kallib eo? E jab. Ejjeļok an Adam pepe ilo men in.

Ilo waan joņak, eļañņe juon armej ej kalõk juon eņ, e maroņ ke jiroņ yuk bwe kwõn kiki ie? Jaab. Bwe? Kõnke armej eo e jab irooj eo aņ. Ear jab kõmanņan yuk. Ejjeļok an pepe kõn mour eo aņ.



*** Anij e utiej jān aolep im Ej irooj ioon aolep men.**

Anij e maroņ ke jiroņ kõj bwe jen jab koõt?

E maroņ ke jiroņ kõj bwe jen jab lõņ?

E maroņ ke jiroņ kõj bwe jen kabuņ ñan E im E wõt?

Aaet! Bwe? Kõnke E eo ear kõmanņan kõj kajjojo! Anij ear pepe kõn wāween An kõmanņan Adam. Ear pepe kõn jikin an jokwe. Ilo mool ear pepeik aolep men ko kõn mour an Adam.



Sam 100:3 Koņwin jeļā bwe Jeova Anij: Ear kõmanņan kõj, kõj An; kõj ri aelõņ ro An, im sheep ko jān meļaaļ eo An.



Anij ear jiroņ Adam bwe en lale jikin kallib eo, bõtab ear jab lukkuun ļap an Adam aikuļ bwe en jermal, kõnke men otemjej raar weepņān kadede. Lõmņak kake! Ejjeļok wūjooļ waan. Ejjeļok kij. Ejjeļok menokadu. Elõņ toujin kain menninmour ko ilo jikin kallib eo. Elõņ toujin kain ut ko ilo jikin kallib eo. Joņan an kar aiboojoj jikin kallib in Eden je ban ba. Anij ear kõmņani aolep men kein ñan juon wõt armej! Eļap an Anij kar yokwe Adam ke? Ej barāinwõt yokwe kõj kajjojo.

4. Wõjke in jeļā eņņan im nana.

Anij ear kalbwin ruo wõjke re aorõk ioļõpan jikin kallib eo. Juon iaer ej wõjke in mour im eo juon ej wõjke in jeļā eņņan im nana. Anij Ear kõņaan kakememeļ Adam bwe ear bõk mour eo an jān E. Ear kõņaan katakin Adam bwe en lõke Anij kõn men otemjej.



Jenesis 2:9 Im Jeova Anij ear kaddek jān āne wõjke otemjej re oļeļ ñan mej, im reņņan ñan moņā; im wõjke in mour ioļõpan jikin kallib eo, im wõjke in jeļā eņņan im nana.

Anij ear jab likūt Adam bwe en make kappukot ta eo eņņan im ta eo nana. Anij ear kaalikkar ñan Adam ta eo e jimwe im ta eo e bõd. Āindein ilo raan kein. Anij e jab likūt kõj bwe jen make kappukot ta eo jimwe im ta eo e nana. Eņõj An letok Baibõl eo, im kõn ad readi je maroņ jeļā ta eo ej kabuņ būruon Anij im ta eo Ej dike.



Anij ear dāpiļ juon wõt wõjke jān Adam. Ewi wõjke eo? Wõjke in jeļā eņņan im nana.



Jenesis 2:17 A kõn wõjke in jeļā eņņan im nana, kwõn jab moņā jān e...

Ear kõņaan kõjparok Adam jān jorrāān, bõtab Ear jab kõmakokoik e bwe en ļoor E. Ear kõtļok Adam bwe en make kāālõt ikõtaan eņņan ak nana.

- * **Armej rej aikuj Anij.**
- * **Anij ej kōnono ippān armej.**

Anij

- ear kōṇaan bwe en eṃṃan mour eo an armej
- ear kōṇaan tōl Adam ilo pepe ko an otemjej

5. Bwe en eṃṃan ad meḷele kōn wāween bōk lōṃṃor e aorōk bwe jen jeḷā kōn kadkadin im ṃwilin Anij.

Katak in ej katakin kōj ruo men kōn kadkadin Anij.

Juon, ej katakin kōj kōn wāween an Anij jermal.

- (1) Ñe Anij ej kōṃṃane juon jermal, ejjeḷok e maroñ jipañ e.
- (2) Ñe Ej kōṃṃane juon jermal, innām Ej kaṃōjḷok e. Jermal ko An re jab likjab ṃnan jidik. Aolep jermal ko An im weepān.

Men kein rej katakin kōj ta kōn wāween bōk lōṃṃor?

- (1) Anij wōt ej lōṃṃoren kōj. Je jab leḷok peed ṃnan jidik. Je jab bōk kuṇaad ṃnan jidik.
- (2) E tōprak jermal in lōṃṃor kōnke aolep jermal ko an Anij im tōprak.



Ke Jisōs ear pād ion debwāāl eo ear ba ta? Ear ba, “Eṃōj!” Naan in “eṃōj” ej meḷele in “dedeḷok” ak “e tōprak.” Eṃōj ta? Ededeḷok ta? Eṃōj lōṃṃor. Eṃōj an Jisōs kōḷḷā oṇean ad jerōwiwi. Eṃōj kapelḷok kōjām eo ṃnan lañ.

Innām ta kuṇaam? Ejjeḷok. Kwōn lōke wōt bwe eṃōj an Jisōs pinmuur ṃnan yuk, innām kwōnaaj mour. Ta eo im Adam ear kōṃṃane ṃnan jipañ Anij kōṃanṃan laḷ in? Ejjeḷok. Ta eo im Adam ear kōṃṃane bwe en mour ak bwe en pukot jikin an jokwe? Ejjeḷok. Im ejjeḷok juon men im kwō maroñ kōṃṃane ṃnan kawānōk yuk. Ejjeḷok juon men im kwō maroñ kōṃṃane ṃnan tōpar Aelōñ eo. Lōṃṃor ej jermal eo wōt an Anij.



Rom 4:5 A ṃnan eo e jab jermal a ej lōke eo ej kawānōk ri jerōwiwi, watōk an tōmak āin-wōt wānōk.

Ruo, katak in ej katakin kōj kōn wāween an Anij tōl armej.

Anij e jeḷā aolep men, im e kōṇaan jipañ kōj. E jeḷā ta eo eṃṃan im ta eo e nana. E jeḷā ta eo me enaaj jipañ kōj im ta eo enaaj kōkkure kōj. E kōṇaan bwe jen lōke E im tōmak wōt E. Eḷaññe Anij ear kōṃanṃan aolep men, innām wōn e jab ba bwe E jeḷā ta eo im enaaj jipañ kōj tata?

Meñe Adam ear jañin jerōwiwi, ear aikuj lōke Anij kōn men otemjej. Anij e kōṇaan bwe jen barāinwōt kile men in. Jabdewōt men eo im jej make pepe kake enaaj tōl kōj ṃnan jorrāñ. Ñe jej lōke kōj make jenaaj jorrāñ. Mour im aolep men rej waḷok jān Anij.



Maika 6:8 Eṃōj an kwaḷok ṃnan yuk, O armej, ta eo ej eṃṃan. Im ewi men eo ṃne Jeova ej jiroñ yuk kake? Bwe kwōn kōṃṃan jimwe, im yokwe tūriaṃo, im etetal kōn juon bōro ettā iṃaan aṃ Anij.

Kajjitōk ko

1. Etke Anij ear kakkije mōjen an kōmanman laḷ in?
2. Ewi wāween an Anij kwaḷok An yokwe eḷap ñan Adam?
3. E kar pepe eo an wōn bwe Adam en jokwe ilo Jikin Kallib in Iden?
4. Anij ear leḷok aolep in laḷ in im kobban ñan wōn?
5. Baibōḷ ej kōnono kōn ruo wōjke ko ilo Jikin Kallib in Iden. Ewi etaer?
6. Meñe Adam ear jañin jerowiwī, ear jeḷā ke kōtaan emman im nana?
7. Kwaḷok ruo men im katak in ej katakin kōj kōn wāween an Anij loḃooren kōj.